

# **Samningur**

## **mennta- og menningarmálaráðuneytis**

### **við Alþjóðleg ungmannaskipti**

### **um ráðstöfun rekstrarframlags í fjárlögum**

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Alþjóðleg ungmannaskipti, kt. 560884-0396, í samningi þessum nefnt AUS, gera með sér svofelldan samning.

#### **1. Markmið og starfsemi**

##### **1.1. Meginmarkmið með samningi þessum eru að:**

- Efla starfsemi AUS, styðja við sjálfbóðaliðastarf ungs fólks innlendis og erlendis og efla óformlega menntun.

##### **1.2. Starfsemi**

- Stuðningur ríkisins við starf AUS tekur mið af gildi starfsins sem félags-, forvarna-, uppeldis- og menntunarvettvangs barna og ungmenna. Samtökin skuli jafnframt vinna með verkefni gegn einelti og hverskonar ofbeldi.
- AUS eru frjáls félagasamtök sem senda og taka á móti ungu fólk í sjálfbóðaliðastörf.
- AUS er þáttakandi í Erasmus+ áætlun Evrópusambandsins og taka á móti og senda sjálfbóðaliða í gegn um European Voluntary Service (EVS).
- Samtökin hafi aðgerðaráætlun ef upp koma mál er tengjast kynferðislegu ofbeldi eða einelti. Samtökin vinni gegn haturorðræðu á netinu eða í starfinu.
- Að AUS taki mið af framkvæmdaáætlun Æskulýðsráðs í æskulýðsmálum (2014-2018).

#### **2. Forsendur samnings og lagaheimildir**

##### **2.1. Framlag ráðuneytisins til samnings þessa á árinu 2017 er 3 m.kr.**

##### **2.2. AUS starfar samkvæmt lögum félagsins sem samþykkt voru á aðalfundi árið 2014.**

##### **2.3. AUS starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.**

#### **3. Ábyrgð**

##### **3.1. AUS ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. AUS skal geta lagt fram gögn og skýrslur þessu til staðfestingar, sé eftir því leitað.**

##### **3.2. AUS ber ábyrgð á skuldbindingum sem það eða aðilar á þess vegum stofna til í tengslum við samning þennan.**

##### **3.3. AUS er óheimilt að:**

- 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
- 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

#### **4. Upplýsingar, samskipti og eftirlit vegna fjármála**

- 4.1. Ráðuneytið greiðir framlag í einni greiðslu. Greitt er inn á bankareikning í viðskiptabanka AUS.
- 4.2. AUS skilar ráðuneytinu:
  - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að fyrir lok mai.
  - 4.2.2. Endurskoðuðum ársreikningi ársins á undan með skýringum fyrir lok júní og skal afrit jafnframt sent Ríkisendurskoðun.
- 4.3. Eigi AUS í viðskiptum við lögaðila sem það á eignarluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

#### **5. Upplýsingar, samskipti og eftirlit vegna verkefna**

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og AUS funda að lágmarki árlega um samninginn.
- 5.3. Fyrir lok nóvember skilar AUS ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. AUS skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. AUS veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.6. Samning þennan, ársreikning AUS, greinargerð um framkvæmd samnings og úttektarskýrslur skal birta á vef AUS jafnóðum og þessi gögn liggja fyrir. Ráðuneytinu er heimilt að birta gögnin á vef sínum.

#### **6. Vanefndir og meðferð ágreinings**

- 6.1. AUS tilkynnir ráðuneytinu tafarlaus ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem það hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli AUS ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

#### **7. Gildistími og lok samnings**

- 7.1. Samningurinn gildir frá 1. janúar til 31. desember 2017.

- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík, 21. apríl 2017

Kaiarsjófnumanstöfla  
f.h. mennta- og menningarmálaráðherra

Hildur Sólmundardóttir  
Hildur Sólmundsdóttir, formaður  
Alþjóðlegra ungmennaskipta